



15.08.2024.

## ISTRAŽIVANJE O ZELENUM CERTIFICIRANJU

### **Predmet: Poziv za učešće u istraživanju o zelenom certificiranju**

Poštovana/i,

U okviru projekta “**Buduće perspektive Zelenog certificiranja**”, čiji je cilj unaprijeđenje zaštite okoliša kroz podignut nivo svijesti o održivom upravljanju okolišem sa rodno osjetljivog aspekta i primjeni certificiranih proizvoda, procesa i sistema upravljanja, organizuje se istraživanje o zelenom certificiranju. Projekat implementira **Centar za energiju, energijsku efikasnost i okolinu – CEEO** uz podršku **Općine Novo Sarajevo**.

Trenutno stanje u Bosni i Hercegovini u oblasti zelenog certificiranja i održivog poslovanja ima trend razvoja sa značajnim potencijalom za daljnji razvoj. Ishodovanje zelenog sertifikata potvrđuje da organizacija/preduzeće, proizvod ili usluga ispunjava određene standarde i specifične zahtjeve po pitanju zaštite okoliša uključujući efikasno upravljanje resursima, smanjenje emisija štetnih gasova i korištenje obnovljivih izvora energije. Sa druge strane, proces zelenog certificiranja omogućava organizacijama/preduzećima da smanje svoj karbonski otisak, unaprijede konkurentnost na tržištu i doprinesu afirmaciji održivog poslovanja.

### **CILJ ISTRAŽIVANJA**

Cilj istraživanja je prikupiti informacije o razumijevanju, stavovima i iskustvu sa zelenim certificiranjem u poslovnoj zajednici Bosne i Hercegovine, kako bi se identificirale prepreke i mogućnosti za unaprijeđenje održivih praksi u poslovanju. Istraživanje će se fokusirati na analizu trenutne primjene zelenih sertifikata, procjenu nivoa svijesti i spremnosti organizacija za implementaciju međunarodno priznatih standarda zaštite okoliša, te identifikaciju ključnih izazova i barijera s kojima se susreću u ovom procesu.

### **UPUTSTVA ZA ANKETU**

Za popunjavanje ankete će Vam trebati do 8 minuta. Anketa je u potpunosti anonimna, a Vaši odgovori će ostati povjerljivi. Na određena pitanja je potrebno da odaberete najprikladniji odgovor od nekoliko ponuđenih opcija, a kao odgovor na preostala pitanja imate priliku da podijelite svoja razmišljanja u kraćoj formi ili date primjer kao ilustraciju Vašeg mišljenja.

Anketu je potrebno popuniti putem linka: [Link za upitnik o zelenom certificiranju](#)

Rezultati istraživanja će biti od izuzetne vrijednosti i pružit će korisne uvide u formuliranju smjernica i razvoj oblasti rada koje će potaknuti širu primjenu zelenog certificiranja i održivih praksi u poslovnom sektoru. Za sve dodatne informacije Vam stojimo na raspolaganju putem e-maila [info@ceeo.ba](mailto:info@ceeo.ba) i [aida.hanjalic@ceeo.ba](mailto:aida.hanjalic@ceeo.ba). Unaprijed hvala na izdvojenom vremenu, trudu i učešću.